

## ანგარიში

### სენაკის მუნიციპალიტეტის მერიის ჯანმრთელობისა და სოციალური დაცვის სამსახურის მიერ 2023 წელს გაწეული საქმიანობის შესახებ

მუნიციპალიტეტის მერიის ჯანმრთელობის და სოციალური დაცვის პროგრამები ითვალისწინებს სოციალური რისკების პრევენციასა და კრიზისზე დროულ რეაგირებას. მოწყვლადი ჯგუფებისა და პირების დაცვა-გამლიერების მიზნით მუნიციპალიტეტის ტერიტორიაზე რეგისტრირებული მოსახლეობის სხვადასხვა ფენის გარკვეული შეღავათებითა და სოციალური დახმარებით უზრუნველყოფას, კერძოდ: მუნიციპალიტეტის მოსახლეობის მზრუნველობამოკლებული ნაწილის კვებით უზრუნველყოფას, ხანძრის შედეგად უსახლკაროდ დარჩენილი მოქალაქეების დახმარებას, სოციალური ადაპტაციის ხელშეწყობას, უსახლკაროდ დარჩენილი მოქალაქეების ბინის ქირით უზარუნველყოფას, ოჯახური ძალადობის მსხვერპლთა დაცვას, ჯანმრთელობაგაუარესებულ მოქალაქეთა სტაციონარული, ამბულატორიული და მედიკამენტოზური მკურნალობის დაფინანსებას, თირკმლის ჩანაცვლებით თერაპიაზე მყოფი მოქალაქეების ტრანსპორტირების თანხით უზრუნველყოფას, იშვიათი დაავადების მქონე პირთა დახმარებას, მრავალშვილიან ოჯახებზე დახმარებას, დედ-მამით ობოლ ბავშვებზე დახმარებას, შეზღუდული შესაძლებლობების მქონე პირთა, ხანდაზმულთათვის შინმომსახურების მიწოდებას, დაწყებითი კლასების მოსწავლეების პროფილაქტიკურ გამოკვლევას. აღნიშნული პროგრამები მთლიანობაში უზრუნველყოფს მუნიციპალიტეტის მოსახლეობის სოციალური მდგომარეობის გაუმჯობესებას.

**2023 წელს ჯანმრთელობის და სოციალური დაცვის უზრუნველყოფის პროგრამებზე დაიხარჯა 1 991 641 ლარი.**

**1. ჯანმრთელობაგაუარესებულ მოქალაქეთა სტაციონალური, ამბულატორიული და მედიკამენტოზური მკურნალობის დაფინანსებისა და თანადაფინანსების პროგრამა** ითვალისწინებს სენაკის მუნიციპალიტეტის ტერიტორიაზე რეგისტრირებული ჯანმრთელობაგაუარესებულ მოქალაქეთა თანადაფინანსებას, **ფაქტიურმა ხარჯმა შეადგინა 503 121 ლარი. პროგრამით ისარგებლა 1226 ბენეფიციარმა.**

**2. მედიკამენტოზური მკურნალობის დაფინანსებისა და თანადაფინანსების პროგრამა** ითვალისწინებს სოციალურად დაუცველთა მონაცემთა ერთიან ბაზაში რეგისტრირებულ 70 000 და ნაკლები სარეიტინგო ქულის მქონე ოჯახზე საჭიროების შემთხვევაში მედიკამენტოზური მკურნალობის დაფინანსებას 70 ლარის ფარგლებში. ონკოლოგიურ პაციენტთა ქიმიოთერაპიული და იმუნოთერაპიული მკურნალობისათვის და თირკმლის ჩანაცვლებით თერაპიაზე მყოფ პაციენტთა მკურნალობისათვის საჭირო მედიკამენტების დაფინანსებას 100 ლარის ფარგლებში. მიმდინარე წლიდან შშმ პირთათვის, ვეტერანებისათვის შესაძლებელი გახდა უფასო მედიკამენტებით სარგებლობა. ამ პროგრამით 102 306 ლარის ფარგლებში ისარგებლა 1073 ბენეფიციარმა.

**3. დაწყებითი კლასების მოსწავლეების პროფილაქტიკურ გამოკვლევების პროგრამა** ითვალისწინებს ზოგად საგანმანათლებლო დაწესებულებებში დაწყებითი კლასების მოსწავლეების პროფილაქტიკურ გამოკვლევას აღნიშნულ ასაკობრივ ჯგუფში ყველაზე უფრო გავრცელებული პათოლოგიების (ჰიპერაქტიურობისა და ჰიპერკინეზების სინდრომი, თვალის პათოლოგია და სქოლიოზი) ამ პათოლოგიების დროული მკურნალობისა და მათთან დაკავშირებული სხვა დაავადებების აღმოცენების პრევენციის მიზნით. პროგრამის სამიზნე ჯგუფს წარმოადგენს სენაკის მუნიციპალიტეტის ყველა საჯარო და კერძო სკოლის დაწყებითი კლასების პირველი და მეორე კლასის მოსწავლეები. საანგარიშო წელს გამოკვლევა ჩატარდა 946 მოზარდს. ფაქტიურმა ხარჯმა შეადგინა 3500 ლარი.

4. **მრავალშვილიან ოჯახებზე დახმარების პროგრამის** მიზანია მუნიციპალიტეტში დემოგრაფიული მდგომარეობის გაუმჯობესების ხელშეწყობა, მრავალშვილიანი ოჯახების გაძლიერება ოჯახში ბავშვის აღზრდისა და სრულფასოვანი განვითარებისთვის აუცილებელი პირობების უზრუნველსაყოფად, სიღარიბის დასაძლევად და სიღარიბეში ჩავარდნის პრევენციისათვის ფინანსური დახმარების გაწევა. ქვეპროგრამის ფარგლებში საანგარიშო წელს 99 მრავალშვილიან ოჯახს გაეწია ყოველთვიური დახმარება, 239 250 ლარის ფარგლებში.

5. **ბავშვზე ზრუნვის პროგრამის ფარგლებში** დახმარება გაეწიათ დედ-მამით ობოლ და იშვიათი დაავადების მქონე 10 ბავშვს. პროგრამის ფარგლებში განხორციელდა 27 სოციალურად დაუცველ ერთ წლამდე ბავშვთა ხელოვნური კვების პროდუქტებით უზრუნველყოფა. პროგრამის ფაქტიურმა ხარჯმა შეადგინა 21 917 ლარი.

6. **კანონმდებლობით გათვალისწინებული სარიტუალო მომსახურების პროგრამის ფარგლებში შესაძლებელი გახდა 46 გარდაცვლილი დევნილი მოქალაქისა და ვეტერანის ოჯახზე დახმარება.** პროგრამის ფაქტიურმა ხარჯმა შეადგინა 14 100 ლარი.

7. **ხანძრის შედეგად დაზარალებული მოქალაქეების დახმარების პროგრამით დახმარება გაეწია 9 მოქალაქეს 28 500 ლარის ფარგლებში.**

8. **სოციალური ადაპტაციისათვის სამზრუნველო ქსელის და ძალადობის მსხვერპლთა დაცვის ღონისძიებების გატარების პროგრამის ფარგლებში** ფინანსური მხარდაჭერა გაეწიათ სენაკის მუნიციპალიტეტის ტერიტორიაზე რეგისტრირებულ სახელმწიფო ზრუნვის სისტემიდან გასულ პირებს, უსახლკარო, განსაკუთრებულად მძიმე სოციალური პირობების მქონე 17 პირს, რომლებსაც არ გააჩნიათ მუდმივი საცხოვრებელი ადგილი და უწევთ ზინის ქირის გადახდა; ასევე დახმარება გაეწიათ რეინტეგრირებული ბავშვის ბიოლოგიურ ოჯახს. **ამავე პროგრამის ფარგლებში** შესაძლებელი გახდა მსხვერპლის სტატუსის მინიჭების შემდგომ მოქალაქეებზე ფინანსური დახმარების გაწევა. ამ ეტაპისათვის პროგრამით ისარგებლა 5 ძალადობის მსხვერპლმა და შემდგომში კი ისინი საჭიროების შესაბამისად სარგებლობენ სხვადასხვა მუნიციპალური პროგრამებით. პროგრამის ფაქტიურმა ხარჯმა შეადგინა 38 300 ლარი.

9. **შეზღუდული შესაძლებლობების მქონე პირთა დახმარების პროგრამის ფარგლებში** მხედველობის პრობლემის მქონე შეზღუდული შესაძლებლობის მქონე, სმენადაქვეითებულ, ასევე ცერებრალური დამბლით, დაუნის სინდრომითა და აუტიზმით დაავადებულ პირებზე ფინანსური დახმარების გაწევა განხორციელდა, ჯამში 153 ბენეფიციარზე, 119 015 ლარის ფარგლებში.

10. **სოციალური ღონისძიების პროგრამა ითვალისწინებს 100 წელს გადაცილებულ მოქალაქეებზე,** ჩერნობილის ატომური ელექტროსადგურის ლიკვიდაციაში მონაწილეთათვის და აგვისტოს ომის დროს და ISAF-მისიაში დაღუპულის ოჯახებზე (8 აგვისტოს) დახმარების გაწევას. პროგრამა ასევე ითვალისწინებს დახმარებას სენაკის მუნიციპალიტეტში რეგისტრირებული საქართველოს ტერიტორიული მთლიანობის, თავისუფლებისა და დამოუკიდებლობისათვის საბრძოლო მოქმედებების ვეტერანებზე და მათთან გათანაბრებულ პირებზე მათი ღვაწლის დაფასების, თანადგომისა და მხარდაჭერის მიზნით, 26 მაისს საქართველოს დამოუკიდებლობის დღესთან დაკავშირებით - ერთჯერად ფინანსურ დახმარებას 100 ლარის ოდენობით.

სულ პროგრამით ისარგებლა 419 ბენეფიციარმა, პროგრამის ფაქტიურმა ხარჯმა შეადგინა 41 400 ლარი.

11. **თირკმლის ჩანაცვლებით თერაპიაზე მყოფი მოქალაქეების დახმარების პროგრამა** ითვალისწინებს თირკმლის ჩანაცვლებით თერაპიაზე მყოფი მოქალაქეების დახმარებას, კერძოდ, ტრანსპორტირების ხარჯების ყოველთვიურ დაფინანსებას 200 ლარით. პროგრამით სარგებლობს 26 ბენეფიციარი. პროგრამის ფაქტიურმა ხარჯმა შეადგინა 55 200 ლარი.

12. მუნიციპალიტეტის მერია ახორციელებს დღის ცენტრ „ლაზარე-2015“ თანადაფინანსებას, პროგრამის მიზანია ცენტრის საქმიანობისა და შშმ ბავშვთა მხარდაჭერა, პროგრამით სარგებლობს 15 ბენეფიციარი. პროგრამის ფაქტიურმა ხარჯმა შეადგინა 8 000 ლარი.

13. პროექტი „საქმიანობათა ცენტრი სენაკში უსაფრთხო გარემოსა და სიცოცხლის ხელშეწყობისათვის“ თანადაფინანსება (პროგრამულიკოდი 06 02 13). ქვეპროგრამის ბიუჯეტი 36 664 ლარი.

პროგრამის მიზანია უსაფრთხო თემების ჩამოყალიბების/განვითარების ხელშეწყობა კატასტროფებისათვის მზადებით, ჯანდაცვაზე ხელმისაწვდომობის გაზრდით და სოციალური მხარდაჭერით. პროგრამის ფარგლებში დაგეგმილია საქმიანობათა ცენტრის ფუნქციონირება პერსონალის, მოხალისეებისა და ბენეფიციარების თანამონაწილეობით. პროექტის ფარგლებში სენაკის მუნიციპალიტეტის ოთხ ადმინისტრაციულ ერთეულში ადგილზე შესაძლებელი გახდა ხარისხიანი სამედიცინო გამოკვლევების ჩატარება, გამოკვლევა დაახლოებით ჩაუტარდა 446 მოქალაქეს. სოციალურად დაუცველ მრავალშვილიან 92 ოჯახს გადაეცა საჩუქრები, 12 სოციალურად დაუცველ, მარტოხელა ხანდაზმულს ორ ეტაპად გადაეცა სასურსათო ამანათი. 2023 წლის ივნისის თვეში წყალდიდობის შედეგად დაზარალებულ 357 მოქალაქეს, საქართველოს წითელი ჯვრის საზოგადოების მიერ, გადაეცა საბანკო ბარათები, თითოეულს 350 ლარის ოდენობით, სულ 117 950 ლარის ფარგლებში. სულ დახმარება პროექტის ფარგლებში მიიღო 907 მოქალაქემ.

14. პროექტი „ვიზრუნოთ უფროს თაობაზე“ სენაკის მუნიციპალიტეტში 2020 წლიდან ხორციელდება პროექტი „ვიზრუნოთ ჩვენს უფროს თაობაზე“ პროექტი დაიწყო „საქართველოს არბაითერ სამართლებრივი ბუნდი“-ს ფინანსური მხარდაჭერითა და სენაკის მუნიციპალიტეტის მერიის თანადაფინანსებით და განხორციელდა შშმ პირთა ინტეგრაციისა და განვითარების ასოციაციამ „ჰანგი“ს მიერ. პროექტის დასრულების შემდეგ სენაკის მუნიციპალიტეტის მერიამ დანერგა აღნიშნული მომსახურება და დღემდე ახორციელებს ასოციაცია „ჰანგი“-სთან ერთად. პროექტის ფარგლებში შეიქმნა მულტიდისციპლინარული მობილური ჯგუფი, რომელიც უზრუნველყოფს მარტოხელა ხანდაზმულებისთვის თბილი, უსაფრთხო და ღირსეული პირობების შექმნას-მათთვის შინ მოვლის სერვისის მიწოდებით; მომსახურება მიეწოდება მუნიციპალიტეტის ყველა ადმინისტრაციულ ერთეულში 25 ხანდაზმულ მოქალაქეს. პროგრამის ფაქტიურმა ხარჯმა შეადგინა 79 700 ლარი.

15. „საჭიროების მქონე ბავშვებისათვის ADOS-ის კვლევის დანერგვა მუნიციპალიტეტში“- პროგრამის მიზანია სპეციალური საჭიროების მოზარდთა დახმარება და ამ მიზნით ADOS -ის კვლევის დანერგვა ა(ა)იპ ჯანმრთელობისა და განვითარების ცენტრის ბაზაზე. ცენტრი საკუთარი რესურსებით უზრუნველყოფს სპეციალისტის გადამზადებას. ADOS -ის კვლევის დანერგვისათვის პროგრამის ფარგლებში განხორციელდა ინსტრუმენტალური კვლევისათვის სპეციალური ინსტრუმენტების შექმნა. პროგრამის ბიუჯეტი - 8300 ლარი.

სამსახური აქტიურად აგრძელებს დებულებების შესაბამისად მასზე დაკისრებული უფლება-მოვალეობების შესრულებას.

სამსახურის უფროსი



ნატალია ხუბუა